

城池考第七

辰州府志七

知府事吳縣席紹葆宜民輯

分地建城其來已舊阻險設關擇要為守辰屆蠻鄉填峰疊岫仡仡言言井疆錯繡千里河山應列宿星亦有垣國別為圍在昔崇墉火焚苗寇野史既荒藏書莫細補綴前聞式穀我後固爾藩籬時和人壽作城池考

第七

辰州府城開自漢初

按沅陵縣故城在今縣治之南岸詳古蹟中今城遷建及歷代增修

俱無可考姑仍舊志

宋嘉祐二年知辰州竇舜卿請築州城不

擾而辨

從宋史列傳補

隆興間漲水滄頽城覆於隍明洪武

辰州府志

卷七

城池考

一

初叅軍詹彥中來守辰州始採石而更築之成化五年復圮衛指揮高翔增修之城高一丈九尺寬厚九尺周環統九百六十六丈東西復開廣三百四十七丈統設六門建譙樓串房於其上遶郭浚池深一丈寬五尺又於西北隅設外城為衛營官舍兵弁悉居之規制視昔有加宏治十一年譙樓串房火是歲知府汪正更建大樓東門曰朝陽西門曰通河上南門曰環碧中南門曰水星下南門曰沐波北門曰拱辰又創二小樓在府學東曰文游在府城南曰凝翠月城小樓二敵樓十有八串樓八百七十一甯鋪十有



八角樓四東北曰雙蓮西北曰飛霞西南曰靖遠東  
南曰觀瀾一時之壯觀也宏治末知府張濂改觀瀾  
樓爲文昌閣開文昌門嘉靖二十六年城樓火次年  
守道工崇知府李淳修之未及成而去時苗寇思州  
辰人震恐二十八年守道陶欽夔知府徐楚沅陵知  
縣高昇率軍民修築去屋爲露城凡三月而大備其  
東北西北二隅功未竟者分作三歲成之郡人王世  
隆有記

國初舊城廢四角樓圯城垣女牆日就崩毀順治十八  
年知府鄧翼明始加修理後吳逆僞將歸城閉塞文

辰州府志

卷七

城池考

二

昌門康熙二十一年知府劉應中捐千餘金同知張  
士佺通判羅拱辰沅陵知縣傅以新經歷秦齊聲照  
唐孫榮祚縣丞鄭權副將郭忠孝各捐俸以助周城  
堅厚六樓更新月城及角樓亦盡增修統費二千二  
百金有奇後城樓頽四十年知府朱國柱復採石補  
葺舊城新西北二城樓四十一年上南城樓火四十  
四年夏雨水漲陷城南二門女牆皆崩知府遲端捐  
俸大加修理令照磨葉連棟專司其事城垣完固六  
門各建守  
雍正八年知府白豐沅陵知縣趙  
念曾重修上南城樓十二年知府李珣知縣趙念曾



復開文昌門仍立閣於其上統爲七門城基北跨龜  
嶼榭木飛霞天寧諸山南臨於河五江五溪之水皆  
漣於其前東西長南北稍隘內爲武陵荆襄屏障外  
扼永順保靖咽喉雲貴西陽道所必經湖南最要之  
區也

附關隘

鹽關譏鹽船之泊下而上者薄征其稅歲有常額其關  
設於府東城外里許康熙四十八年知府遲端建堂  
室三間乾隆八年知府馬惟德重建外廳一楹自後  
歷任知府時加修葺命司事者居守之

辰州府志

卷七

附關隘

三

木欄譏木筏之自上而下者征其稅歲額有定制其關  
一在府城南河五里之瑤灣雍正二年知府汪立名  
建堂室三間外偏廊屋二間一在府城西里許之北  
河口乾隆六年知府陳文言建堂室三間自後歷任  
知府均時加修理令司事者居守之

沅陵縣附郭城同

附關隘

芙蓉關在縣東八十里楊保楠木兩鋪之間雖不甚高  
峻而西通雲貴北達京省必由之路

馬鞍關在縣東一百里土人謂之馬鞍山形似馬鞍高



載程顥程頤封爵與朱熹並從祀景定二年復加張  
栻呂祖謙從祀咸淳三年始以曾參孔伋與顏孟爲  
四配升顥孫師於十哲列邵雍司馬光從祀元大德  
十一年加號孔子大成至聖文宣王皇慶二年以許  
衡從祀延祐二年加封顏回兗國復聖公會參鄒國  
宗聖公孔伋沂國述聖公孟軻鄒國亞聖公至順元  
年加封叔梁紇爲啓聖王明洪武三年詔孔子封爵  
仍舊二十六年頒大成樂器於天下府學命州縣取  
式於府學二十九年以董仲舒從祀罷楊雄宣德十  
年以吳澄從祀正統二年以胡安國蔡沈眞德秀從

辰州府志

卷十一

學校考

三

祀三年禁祀孔子於釋老宮宏治八年以楊時從祀  
嘉靖九年改大成至聖文宣王曰至聖先師孔子四  
配曰復聖顏子宗聖曾子述聖子思子亞聖孟子東  
西十哲兩廡孔門弟子曰先賢某子左邱明以下曰  
先儒某子又別立祠祀叔梁紇爲啓聖公此啓聖以  
祠之始顏無繇曾點孔鯉孟孫激配享稱先賢程珦朱松蔡  
元定從祀稱先儒罷公伯寮秦冉顏何荀况戴聖劉  
向賈逵馬融王肅王弼何休杜預吳澄十三人又以  
申黨申棖實係一人去黨存棖增祀后蒼王通歐陽  
修胡瑗陸九淵而以林放蘧瑗鄭衆盧植鄭康成服



裁

會溪鎮砦縣西北一百一十里宋熙寧八年置明洪武初設巡檢司今廢

按省志作二百里今依舊志訂正

瀘溪縣

縣城自唐初至明中葉新舊縣治皆無城堞崇禎十三年知縣梁宏倡率邑人捐助始採石築城周三里七分有餘高一丈六尺寬厚五尺門大小凡十一曰東門上有樓懸額曰三楚雄關又曰紫氣東來由東之南曰曹家巷門西曰武勝門上有樓懸額曰西山爽

辰州府志

卷七

城池考

五

氣由西之南曰小西門由西之北曰文家巷門南曰文昌門上有樓懸額曰輝映文瀾又有上南門樓額曰薰風解愠下南門樓額曰礪山帶河曰北門上有樓懸額曰衆星環拱昔人謂城如斗大門似蜂窩者也凡四載而工始竣

國朝雍正十一年知縣張宏烈捐俸重修城垣更砌女牆凡四百九十有六城當沅武兩水之涯時慮衝決而地逼近苗獠昔時西南恃五都蠻民爲藩籬西北倚六堡爲捍衛人每以爲危自城建後保障民社者始獲安然以固其封守至於今衝決之患亦未嘗有



關也

附關隘

聖崑關縣西十五里左右兩山夾江而峙北岸高峻惟南岸一路可通明洪永宣景間苗不時出劫鄉勇積石伏弩其間苗不敢過邑賴以安知縣吳炳詩云一劍憑當路千夫莫斬關蓋實錄也

龍潭關縣西六十里路通五寨司兩山相對中一小路可行曲折蔓翳設險可守

烏泥隘縣南二十五里

大凹隘縣西二十里路通鎮寧永保猫猪巢穴苗出竊

辰州府志

卷七

附關隘

六

盜扼此常獲

巖門隘縣北二十里

榔木隘縣西北二十里

苦竹隘縣西北二十里

乾莪隘縣北十五里

鑽字巖隘縣西二十里蹊徑高出山脊橫亘數十里明萬歷十一年知縣吳一本清丈過此詫其險為記泐於石

河溪砦縣西九十里接境乾州明洪武初置巡檢司萬歷中廢



狐毛岩縣西三十五里

虎頭岩縣北三里

雲頭岩縣西北八里

蠻溪堡縣南三十里

新池堡縣南四十里

浦口堡縣南六十里宋隆興中章才邵言浦口地平衍

膏腴多水口又當沅靖二州之衝一有蠻隙為害不

細方輿紀要

溪洞堡縣南六十里

縣場坪縣西南二十里明置巡檢司

辰州府志

卷七

城池考

七

辰谿縣

縣城自漢至明初新舊縣皆未建城正統十四年靖州

清水江苗焚虜縣境公私廬舍皆燬景泰二年知縣

杭宗道始築土城僉事洪昌遣官督徒役千五百人

總戎陳友督荆陵征苗兵五百人以助凡七月而成

周環四百七十丈有奇東西北各一門南二門統為

五門宏治十五年圯都御史攝辰抗兵備道閻仲宇

會議重修嘉靖三十九年夏大水衝陷南城知縣楊

貢修復城垣創建譙樓隆慶五年夏水漲尤甚南城

盡崩知縣吳春重修萬歷九年知縣熊桂芳議改石



城寢不行自是至三十五年城屢圯民不勝修築之苦三十六年四月江水高漲數十丈西南城郭盡傾陷是秋知縣曹行健始因舊址改建石城創文昌臺於中南門次年八月功成懸石額曰雲貴鎖鑰後西北二門復圯四十一年知縣左天德重為修砌國朝仍舊制時加修築至今稱完城焉城基北跨高山南臨於河沅撫辰淑之水交滙於其前衝圯之患時所不免近為黔沅唇齒遠為雲貴咽喉辰州之衝邑也

附關隘

辰州府志

卷七

附關隘

八

辰陽關在縣南五里

木州關在縣西二十里

渡口鎮在縣南一里

晉俗訛市鎮在縣南三十里

龍門砦在縣西三十里宋初置

淑浦縣

縣城自唐初暨元中葉皆未立城至正間邑人築土城

以避陳友諒之亂明初因之隆慶六年

舊志作萬歷壬申縣志因

之考萬歷昔未有壬申今據瀘溪志改正盧溪知縣王京署縣事始加修

築建樓其上東曰朝陽西曰阜成南曰迎薰其北因



山勢而城稍退枕於學宮之後因名曰興文周環  
里三分有奇萬歷四十五年考是年為丁巳  
縣志作乙巳誤知縣楊  
萃於城西郊別增一城周環一里九分西建一門以  
護正城慎固封守也民以萃為洛陽人故名洛陽城  
明季皆圯正城基址尚存

國朝乾隆二年知縣韓宗蕃詳請修築同麻陽縣知縣  
高崧估值五千兩有奇四年部議緩工九年知縣王  
宏曾以前所估不敷工用請再行估計不果行十三  
年知縣田澤廣復同辰谿知縣張濤會計以工大費  
繁而止二十六年知縣陶金諧奉文丈量估計具詳  
辰州府志

卷七

城池考

九

二十八年覆詳實需銀一萬六千二百七十九兩有  
奇城址枕山臨水橫長中隘議修議增屢矣時平事  
緩得賢有司肩其任并古洛陽城而並修之則藩籬  
捍衛均有所恃矣

附關隘

盧峰關縣東三里今建書院其麓雙江夾流

龍堆關縣南十里

思溪隘縣東六十里

油洋隘縣東八十里

苦練隘縣東一百里



白霧隘縣東一百里

楠溪隘縣南五十里

順溪隘縣南六十里

龍旗隘縣南百二十里接徭界

長坡隘縣北二十里

白霧隘縣北六十里一名白霧團天禧二年辰州都巡

檢使李守元率兵入白霧團擒蠻寇十五人斬首白

級降其酋 宋史蠻蠻傳

澆口隘縣東北 省志

油良隘縣東八十里

辰州府志 卷七

龍潭堡縣南一百二十里接黔陽界

長律鎮在縣東 九城志

鎮寧堡縣東北六十里宋置懸鼓砦元改為鎮寧堡明

置巡檢司 方輿紀要

乾州廳

廳城明屬鎮溪千戶所正德間土人捐貲建城甃以條

石高一丈五尺周環二百三十九丈為門三東西南

各一歲久漸圯

國朝康熙四十三年改為廳城五十三年同知周全功

重修建譙樓於三門之上又於城西北建二樓五十



九年同知佟世英以正城湫隘民居十不容一乃環正城繞西北山谷而南臨於河築土垣衛之周長四百餘丈高八尺寬厚五尺今屢議改土垣爲石城苗疆要地果不惜費而新之亦保障斯民之急務也

按楚南苗志乾城建於萬歷四十二年傳邊錄作四十三年皆與廳志異或建於正德修於萬歷乎

附關隘

喜鵲營廳北五十里接永順保靖縣界設把總防守楊孟砦廳西五十里路通永綏紅苗出入必由其下山勢峻險徑路曲窄設守備一員防守

辰州府志

卷七

城池考

七

砦陽堡廳西四十里

陰隆江堡廳西南七里

爆竹堡廳西南四十里

洞口堡廳西南五十里

都溶堡廳西南六十里

牛隘堡廳西南七十里

南陽堡廳西南七十五里

大凹堡廳西南八十五里

鎮溪所廳東北十里洪武初置軍民千戶所管一百二十四苗寨康熙三十一年設守備一員駐防今改千



總防守

強虎岩廳西南三十里設千總一員防守

勞神寨廳西十五里萬山圍繞深在苗巢設把總一員防守

岑頭坡廳西二十里路通瀘溪其險可守

河溪廳東三十里與永順保靖沅陵接界明置巡檢司今廢

良章營廳西三十里連岡疊嶂磴道崎嶇

榔木坪廳北五十里與喜鵲營相為犄角山路峻陡如

蟻緣垤最為險要

辰州府志

卷七

附關隘

三

爛草坪廳北三十里

險阻草木蒙茸不數罽道難

也設外委一員防守

芬坵廳北二十里與但 接界設外委一員防守

馬滾坡廳北十里坡高三里下臨絕壑

木林隘廳西北二十里磴路高下陡險與馬難行

老平郎廳西二十五里倚山臨河徑路崎仄盤旋山腰

一夫守關足以相遏

鬼者廳西四十五里即天門山勢最高峻為永綏入乾

州咽喉設外委一員防守

大新寨廳北八十里設把總一員防守



下高崑廳西北五十里高山峻嶺鳥道一線在峻峭壁  
右臨深河最爲阻隘入永綏要路

### 鳳凰廳

廳城自元至明爲五寨司土官舊有土城嘉靖甲寅年  
馮岳開府沅州移麻陽叅將孫賢駐防丙辰始建磚  
城開四門各覆以樓凡十五月而工成久而漸傾  
國朝康熙四十八年改爲廳議建石城五十四年督撫  
至州縣各捐俸助修總其事者分巡辰沅道周文元  
通判莊清度督工役者吏目蔣大章城成高一丈五  
尺寬厚七尺周環一百二十七丈女牆四百七十有

### 辰州府志

#### 卷七

#### 城池考

#### 三

五東西南北各一門門各建譙樓於其上乾隆二十  
年巡撫陳宏謀二十八年巡道紀虛中先後會議以  
廳城隘甚糧汲軍民多駐城外不可恃以守或議由  
西門跨南溪繞對岸山而抵於東門地勢稍平而溪  
流可汲然水自大堰壩而下春濤洶湧恐城不足以  
當且絕流灌城之慮亦有心者不可不預爲謀及也  
惟議以爲由西門跨西山而北城旣高寬軍民倉儲  
可駐掘地爲井泉源可汲因山爲基旣堅且厚以高  
臨下益利而安雖工費頗繁然興大利者固自不容  
於小費也



茂荻坳廳東五里萬山簇列中通一道曲折盤繞十餘里踰坳則至廳矣其險可守今設卡房以稽察往來新路坡廳東十五里右倚層岡左臨深澗徑路崎嶇最關緊要

隘口廳西南三十八里

龍鄂營廳西南三十九里高數十仞一徑繞其下苗民出入必由設外委一員防守與隘口為犄角之勢

教場坪廳西南四十四里設把總一員防守

威遠營廳西南四十五里係黔楚接壤要隘數汛犄角

辰州府志

卷七

附關隘

古

聲援捍衛設千總一員防守

三壘隘廳西南四十五里

亭子關廳西南七十里接貴州銅仁境

麻衝一作冲廳西北六十里設外委一員防守

鳳凰營廳西六十里與威遠營相距一里聲勢相援扼黔省八廳之要舊以通判分防後移通判歸城設巡檢一員把總一員防守

新寨廳北六十里山高險左接池河營右臨烏巢河前寨中最雄峙之地設守備把總外委各一員防守

栗林廳北七十五里一山脊拔四面降巒最險入



廳必由之道也設把總一員防守

銅羅關廳西南六十五里

栗樹關廳西南六十五里

安靖關廳西南六十五里

箭塘營廳北二十里設遊擊一員把總一員防守

駱駝衝廳北三十里設把總一員防守

巖口廳北五十里天生險境左水右山別無徑可通奸

苗覬覦皆畏此不敢過設守備把總各一員防守

天星寨廳西北六十里兩峰矗天上土下石中頂平坦

能容千人北面一徑可攀緣而登逆苗累恃以負固

辰州府志

卷七

附關隘

五

今設把總一員防守不使潛入

龍蛟洞廳北五十里設外委一員防守

司門前廳北四十里苗巢要地設千總一員防守

爆木關廳西六十里

太平關廳北四十里

陽衝關廳西五十里

老漣潭廳北四十里與得勝營相犄角扼苗之吭設把

總一員防守

大新寨廳西三十里東接火燒灘西接硬寨為逼近要

地設把總一員防守



盛華哨廳西北三十里設外委一員防守

得勝營廳北四十里設遊擊一員外委一員防守

三脚巖廳北四十五里山勢險峻路徑逼窄與得勝營相接應設外委一員防守

龍滾營廳北五十里設把總一員防守

駟金塘廳北六十里設千總一員防守

舊司坪廳北六十里據崑臨流山路險仄設外委一員防守

地良坡廳北七十五里兀然直立登者如蟻緣壁自有

折而左羊腸一綫上懸絕壁下臨深谷通燬木營天

辰州府志

卷七

附關隘

夫

星寨要道設千總一員防守

鳴保寨廳北八十里山澗幽曲灌莽叢集設守備一員

把總一員防守

隆朋廳北九十里與鳴保寨聲勢相援設外委一員防守

簞子哨廳北八十里與乾州境接明置土司守其地今廢

按鳳凰廳西北緊逼苗巢前明築邊牆設營哨扼其險要雖一時稱善終不能入窺其心腹自

本朝開闢後苗民向化安官設汛星羅棋布凡其險要



米橋廳西南五十五里崇巒疊嶂徑路崎嶇與黔省連界設千總一員防守

茶洞廳西八十里接四川貴州界設外委一員防守  
老旺砦廳西六十里北連保靖南接四川與茶洞相爲聲援

花園廳西北七十五里設守備一員巡檢一員防守  
蠟耳堡廳西北八十五里與保靖接界

長潭廳東北七十五里設把總一員防守

谷坡廳東北五十五里與保靖接界山勢高峻林木叢雜設外委一員防守

辰州府志

卷七

附關隘

六

崑落廳東五十里與鎮筸楊孟砦接界左折彼右北料形勢犄角誠險隘也設千總一員防守

排料廳東六十里與保靖接界

論曰關隘郡邑之保障繫焉古所謂得地形之勝者須視乎此辰郡蠻獠雜處滇黔孔道關隘尤其所重舊志闕關隘而有形勝而所記形勝又非慎固封守之謂是鋪陳景象以供吟詠於古義何居今採各志及文案凡有險可憑者知則必詳否亦必記其名俾守固者有所考至景象已詳山川古蹟者不另編

辰州府志城池考第

